



Školski list JU OŠ Poljice BEHAR

JANUAR, 2023 GOD.

JU OŠ "POLJICE"
POLJICE

KONTAKT PODACI

- Tel: 035/540-698
- Fax: 035/540-698
- E-mail:
skolapoljice@gmail.com
- Web:
www.skolapoljice.com

U OVOM BROJU
PROČITAJTE.

Značajni datumi

Naši talenti

Takmičenja

Aktuelnosti

U razgovoru sa...

Realizacija projekata

Zanimljivosti



"Obrazovanje je najmoćnije oružje kojim možete promijeniti svijet"- Nelson Mandela



Riječ urednika...



Školski list JU OŠ Poljice pod nazivom BEHAR nakon dugogodišnje pauze, tačnije od 2015. godine ponovo je sa nama. Plan je da u ovoj školskoj godini 2022/23. realizujemo za svako polugodište po jedan broj lista Behar. Mnogo godina je prošlo, mnogo novih nastavnika, mnogo novih đaka, projekata i mnogo priča koje treba ispričati...Prvo izdanje lista Behar već, sada davne 2004. godine postavilo je temelje na sva izdanja koja su kasnije izašla, tako da je uredništvo i ovog broja Behar usaglasilo se da koncept i teme koje su se tada obrađivale u velikoj mjeri obrade i predstave kroz ovo izdanje, sa nekoliko novih rubrika.

Ovo izdanje Behara biti će prepuno zanimljivih i važnih informacija o aktuelnostima u školi i u učeničkim dostignućima. Učenici sa svojim nastupima, radovima, rezultatima, su u centru dešavanja i njihova afirmacija i predstavljanje kroz Behar će ih, nadamo se, još više motivisati.

*“Glavni razlog polaska u školu je naučiti do kraja svog života da za sve postoji knjiga.”
Robert Frost*

SADRŽAJ

Sadržaj.....	2
O školi.....	3
Aktivnosti.....	4,5,6,7
Uspjesi i takmičenja.....	8
Sekcije.....	9,10,11
Biblioteka.....	12
U razgovoru sa.....	13,14
Talenti.....	15,16,17,18
Radovi naših učenika.....	19,20



List odobren od strane Ministarstva obrazovanja, nauke, kulture i sporta Tuzlanskog kantona, na osnovu Godišnjeg programa rada škole. **IZDAVAČ:** J.U.O.Š. «POLJICE» u Poljicu, tel/faks: 035/540-698.

ZA IZDAVAČA: Alma Gutić, direktor; **GLAVNI I ODGOVORNI UREDNIK:** Nermin Burgić, prof.matematike **REDAKCIJA:** Fahrudin Beganović, nastavnik raz. nastave, Amira Kovačević, nastavnica TO i informatike, Enisa Imamović, Nermina Hodžić, Erna Nuhić, Dženana Osmić, nastavnici bos.jezika; učenici novinarske sekcije: Džana Kasumović 5b, Merima Omić 7a, Ajla Kamberović 7b, Merima Omić 7b, Ilma Kasumović 7b, Mahir Osmić 6b, Melina Murselović 6b, Emrah Ajanović 6b, Alen Kasumović 6b, Anel Frkić 6b, Vedad Fajić 6b, Elma Fajić 6a, Berisa Muminović 6a, Larisa Nuhić 6a.

0 školi....



Do 1936.godine djeca su iz Poljica odlazila na školovanje u Lukavac ili Tuzlu. Takvi su bili vrlo rijetki i to su bila djeca ekonomski jačih roditelja, koji su željeli da se njihova djeca i po obrazovanju ističu. Najveći broj djece je ostajao neškolovan. Poljice spada jedno od rijetkih naselja na opštini Lukavac koje je veoma kasno izgradilo školu. Tako se npr. prije Poljica škola izgradila u Puračiću 1886, Turskom Lukavcu 1912, Turiji i Panjiku 1927, Gornjem Bistarcu 1929, Gnojnici 1936 i Dobošnici 1939 godine. S proljeća 1936.godine pokrenuta je akcija za izgradnju škole u Poljicu. Na izgradnji škole radilo se danonočno i škola je «nikla» za samo tri mjeseca. Ideju o osnivanju osnovne škole u Poljicu inicirao je Osman Ejubović, tadašnji načelnik općine Kiseljak. Zidar škole bio je tuzlak Gajo Hibar. Prvi cjelokupni inventar, upotrebljavan ranije ali dobro očuvan, škola dobija od Fabrike sode Lukavac. U oktobru 1936.godine škola počinje sa radom i tada je upisano 160 učenika. Sva dokumentacija o radu škole u periodu 1936-1944.godine je uništena, a kao rekonstrukcija života i rada u školi u tom periodu



poslužila su sjećanja tadašnjih učenika. Nakon završetka drugog-II svjetskog rata škola ponovo počinje sa radom, u kojoj sa radom započinje prvi posljeratni učitelj Mehmedalija Osmanović iz Puračića.

Škola do 1964/65. godine radi pod nazivom «Svatovac» Poljice i te godine na prijedlog Nastvničkog vijeća i SO-e Lukavac mijenja

naziv u Osnovna škola «Ragib Džindo» i tako radi sve do 16.08.1993.godine kada je Viši sud Tuzla, na osnovu Odluke SO-e Lukavac o osnivanju javne ustanove 06.04.1993.godine mijenja u naziv JU OŠ "Poljice", Poljice, kako nosi i danas dan. Danas, kad ovo pišemo, u oktobru 2022 god., školu pohađa 345 učenika, raspoređenih kroz 18 odjeljenja u centralnoj školi (po dva odjeljenja u svakom razredu), jedno kombinovano odjeljenje 1C i 3C, te 2 i 4 razred u područnoj školi u Dublju. Trenutno je stalno zaposleno 21 nastavnik, što u predmetnoj što u razrednoj nastavi, i 10 tak nastavnika koji su primljeni na određeno radno vrijeme. Direktorica škole je Alma Gutić, prof. biologije i hemije.




AKTIVNOSTI



OKTOBAR "MJESEC KNJIGE"


Knjiga jeste naš najbolji prijatelj, ali mi trebamo da budemo najveći prijatelji knjige, stoga iskoristimo oktobar, mjesec i praznik knjige i književnosti, ali i sve predstojeće mjesece, da razmislimo nad svojim odnosom prema pisanoj riječi, i vratimo se, cijelim svojim bićem, našem najboljem prijatelju.

U svijetu ekrana i monitora, lahko se zaboravlja užitek čitanja knjige, ali uprkos tome da danas listanje po stranicama knjige može podrazumijevati micanje prsta po ekranu, iskreni ljubitelji pisane riječi će ipak kazati da je osjećaj papira među prstima i miris knjige nešto što se ne može nadomjestiti niti zamijeniti.



OKTOBAR—MJESEC KNJIGE

U našoj školi tokom mjeseca oktobra, nastavnice bosanskog jezika Enisa Imamović, Erna Nuhić i Amela Dugonjić su kroz niz aktivnosti, radionica, izložbi, realizovanih časova lektire u školskoj biblioteci obilježile ovaj značajni datum.



PRODAJNI SAJAM

Prodajni sajam "Kupujmo domaće" koji je postao naša tradicija održali smo 03. novembra 2022 god. u dvorištu škole. Uz lijepo vrijeme i dobro raspoloženje, sajam je protekao u smijehu i zabavi. Mnogobrojni posjetioci su svojim prisustvom uljepšali ovaj naš dan.



MATURSKA ESKURZIJA

U periodu od 18. do 20. oktobra 2022.godine realizovana je višednevna maturalna ekskurzija učenika IX-ih razreda naše škole. Ekskurzija je izvedena u susjednu Republiku Hrvatsku odnosno Makarsku sa obilaskom Splita, te u povratku Mostara. Vođa puta je bila direktor naše škole Alma Gutić, a neposredno zadužne za učenike su bile razrednice IXa Enisa Imamović i IXb Elzina Faić Okanović.



Pitajte „Kako će učenici najbolje naučiti nešto?“, a ne „Kako mogu naučiti nešto?“

– Jamie ESCALANTE





DAN DRŽAVNOSTI



Obilježavanje 25. novembra Dana državnosti Bosne i Hercegovine u našoj školi


Kao i prošlih godina tako je i ove godine u našoj školi obilježen 25. novembar, Dan državnosti Bosne i Hercegovine. To je dan kada su na zasjedanju ZAVNOBIH-a 25 i 26. novembra 1943. godine u Mrkonjić Gradu udareni temelji bosanskohercegovačke državnosti.

U utorak, 22. novembra 2022. godine sa početkom u 12 sati u holu centralne škole na novoizgrađenoj prelijepoj bini, naši učenici su pripremili bogat kulturno-zabavni program koji je trajao gotovo sat vremena. Naši učenici od prvog do devetog razreda pokazali su raskoš svog talenta predstavljajući se sa brojnim tačkama. Učenici su tom prilikom izveli brojne tačke: recitacije, plesove, igrokaze... Čuli smo i vidjeli predivne stihove, predivne plesove, sevdalinke, navijačku pjesmu, dirljive i komične komade, dramtizaciju sevdalinke... Tokom priredbe svi učenici su izmamili osmijehe i gromoglasne aplauze svih prisutnih roditelja i gostiju. U toku sedmice imali smo literarno stvaralaštvo i likovni konkurs na temu "Moja domovina".

Istakli bismo tri rada od sledećih učenika: Žbanić Elmira, Mujagić Ahmed i Kasumović Ajla.



Radovi učenika
Žbanić Elmira
Mujagić
Ahmed
Kasumović Ajla



Aktivnosti

KRUNISANJE KRALJA TVRTKA I KOTROMANIĆA



Bosanski ban Tvrtko I Kotromanić krunisan je za kralja Bosne na Mitrovdan 26. oktobra 1377. Od tada je Bosna postala kraljevinom. Stjepan Tvrtko I Kotromanić bio je bosanski ban od 1353. do 1377, a zatim i prvi bosanski kralj do 1391. Tvrtko I se smatra jednim od najvećih srednjovjekovnih vladara Bosne, koji je za sobom ostavio zemlju veću, jaču, politički uticajniju i vojno sposobniju od one koju je naslijedio. Njegovim političkim dostignućima doprinijela je feudalna anarhija u Srbiji i Hrvatskoj, dok Osmanlije još uvijek nisu ozbiljno ugrozile. Bosanska privreda je bila na vrhuncu, pojavila su se nova naselja i trgovački centri i poboljšao se životni standard njegovih podanika. U toku njegove vladavine Bosna je doživjela najveći politički, vojni, teritorijalni, i privredni uspon i razvitak feudalnog društva.

U sklopu obilježavanja značajnih datuma u školi, jedan od njih je svakako obilježavanje Krunisanja Tvrtka I Kotromanića. Ovim povodom naše profesorice historije, Lejla Tokić i Mirsada Aljukić, sa našim učenicima, u centralnoj školi kroz niz aktivnosti u vidu historijskog časa, izradom panoa i brošura, dramskim nastupom obilježile ovaj datum.



Centralna manifestacija obilježena je u područnoj školi Donje Poljice



Od ove godine, a zahvaljujući Pravilniku o obilježavanju značajnijih datuma, ovaj datum obilježava se u svim osnovnim i srednjim školama na području Tuzlanskog kantona. Uz egidu "Bosne je bilo i bit će!" centralna manifestacija za našu školu održana je u Područnoj školi "Donje Poljice". Svečana priredba je razveselila brojne roditelje, mještane i druge goste i prijatelje naše škole kroz pjesmu, igrokaz, recitacije, pjevanje, defile naših kraljeva i kraljica – najmlađih učenika, izložba likovnih radova i stečaka koje su uradili naši učenici. Kompletnu manifestaciju zajedno su uradili učenici od I do IV razreda centralne i područne škole.

Aktivnosti



ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FBiH



14. novembar/studeni

Svjetski dan dijabetesa

ŠTA JE ŠEĆERNA BOLEST?

Šećerna bolest je najčešća hronična endokrina bolest. Glavno obilježje ove bolesti je povišen nivo šećera u krvi. Povišen nivo šećera u krvi dugoročno oštećuje male krvne žile u svim organima, ali najznačajnije posljedice ostavlja na krvnim žilama srca, mozga, bubrega, oka i ekstremiteta.

Osobe oboljele od šećerne bolesti imaju veću smrtnost te 50% više oboljevaju od srčanog i moždanog udara, zatajenja bubrega koje može dovesti do potrebe za dijalizom, sljepoće (uzrokovane dijabetičkom retinopatijom) te hroničnih rana i gangrene na stopalima

Od šećerne bolesti može oboljeti bilo ko. Iako se dijabetes tip 2, koji u prosjeku čini oko 90% oboljelih najčešće javlja u odraslih, on sve češće postaje problem i u mlađim dobnim grupama. Svaka osoba, svugdje i u bilo kojoj životnoj dobi je pod rizikom obolijevanja od šećerne bolesti.

FAKTORI I RIZICI:

- prekomjerna tjelesna težina (80% osoba sa šećernom bolešću tip 2 imaju prekomjernu tjelesnu težinu)
- starost (u dobi iznad 40 godina učestalost šećerne bolesti raste)
- nedostatak tjelesne aktivnosti
- nasljedni faktori
- pojava dijabetesa u trudnoći
- smanjena tolerancija glukoze dugotrajna izloženost stresu

SIMPTOMI BOLESTI SU:

Žeđ, suhoća usta i učestalo mokrenje, gubitak težine, učestala glad, umor, zamućenje vida, trnci u stopalima.

Obilježavanje svjetskog dana borbe protiv dijabetesa obilježen i u našoj školi

Imajući važnost ovog datuma, a i činjenice da svakim danom raste broj oboljelih od ove bolesti kod sve mlađe populacije, a najčešće kod djece školskog uzrasta, učenici naše škole, tačnije učenici 5b i 7a razreda su nizom aktivnosti obilježili ovaj datum. Koordinator ovih aktivnosti bio je nastavnik matematike Nermin Burgić.



Izrada panoa



Prezentacija i izrada brošura

Svjetski dan borbe protiv dijabetesa se obilježava 14. novembra/studenog svake godine u više od 170 država svijeta još od 1991. godine, kao odgovor na porast broja oboljelih i prijetnju nekontrolisanog širenja bolesti.

Realizacija radionice iz matematike pod nazivom "Računanje broja ugljenih hidrata"



Cilj radionice prije svega bio je da učenici steknu nova znanja iz oblasti dijabetesa kao bolesti koja sve češće napada mlade osobe školskog uzrasta sa jedne strane i primjeni matematike prilikom izračunavanja broja unosa kalorija u organizam u toku 24 sata i na neki način još jednom skrenuti pažnju na preveliku važnost matematike kao nauke u gotovo svim, nekada i nezamislivim sferama života.



Takmičenja



TAKMIČENJE IZ ISLAMSKE VJERONAUKA

U sklopu obilježavanja rebiju-l-evvela, mjeseca rođenja posljednjeg Allahovog Poslanika, Muhammeda s.a.v.s., a pod pokroviteljstvom MIZ Puračić, dana 29.10.2022.godine održano je takmičenje iz „Sire“. Takmičenju je pristupilo 22 učenika iz 8 osnovnih škola sa područja grada Lukavca, a nakon testiranja i pregledanja utvrđeno je, između ostalog, da je ekipa iz naše škole (Tufekčić Melika 47.5 bod, Imamović Elma 41 bod, i Imširović Azra 37.5 bod) zauzela treće mjesto. Nastavnik mentor bio je nastavnik islamske vjeronauke Samir Kasumović.

Naša škola bila je domaćin takmičenja iz „Upozoravanje na opasnosti od mina i NUS – a“



Gradsko takmičenje učenika osnovnih škola sa područja Lukavca, iz programa ”Upozoravanje na opasnosti od mina i NUS -a” održano je 8. novembra 2022. godine u JU OŠ”Poljice” u Poljicu.

Takmičenje je manifestacija čiji je cilj provjera osposobljenosti učenika osnovnih škola iz oblasti znanja iz programa ”Upozoravanja na mine” i zaštiti od mina i NUS-a.

Našu školu predstavljale su učenice 7 razreda, koje su u konačnosti zauzele odlično treće mjesto.



Učenice Lejla Halilović, Ajla Pilavdžić i Mirela Maljanović sa nastavnicom Mirsadom Aljukić

“Početna tačka svakog uspjeha je želja”. – Napoleon Hil



Predstavljamo....



Sekcija prati i bilježi svaki događaj i aktivnost u školi tokom školske godine, izrađuje fotografije, pravi panoje, a iste budu prezentirane na stranici škole, holu škole i sl. Do sada, članovi ove sekcije su napravili 4 panoa, koji i danas dan krase hodnik naše škole. Učenici su vrlo kreativni i zainteresirani za ovu sekciju, što potvrđuje veliki broj fotografija koje su napravljene i koje krase školske prostorije.



FOTO SEKCIJA

Fotofrafska sekcija u našoj školi postoji od 2017. godine, koju vodi nastavnica **Mirela Isaković**. Članovi ove sekcije su pretežno učenici od 6. do 9. razreda.




Sekcija se sastoji od fotografisanja, obrade slika te pravljenja panoa sa različitim temama kao npr. jesen, zima, priredbe itd. Članovi ove sekcije također uče kako da od obične fotografije naprave neobičnu, crno bijelu, ili po želji, koristeći različite filtere, boju, jasnoću, kontrast, uz pomoć odgovarajućih programa, aplikacija i naravno pomoć svog nastavnika.



PLESNA SEKCIJA



Plesna sekcija, koju uglavnom čine učenici od 4. do 6. razreda, u našoj školi postoji od 2017. godine. Sekcija se sastoji od kombinovanja raznih plesova, od klasičnih do modernih, te uvježbavanjem koreografija za priredbe. Članovi plesne sekcije su nezamjenjiv dio svake priredbe i obilježavanja svakog značajnog datuma. Iza ove sekcije mnogo je rada i truda, mnogo uvježbanih koreografija uz mnogo različitih ritmova. Nastavnik voditelj ove sekcije je Mirela Isaković, nastavnica Engleskog jezika.



Predstavljamo....



Sekcija kreativni kutak

U našoj školi aktivno radi sekcija "Kreativni kutak". Sekcija broji 15 članova, 6 dječaka i 9 djevojčica. Na časovima ove sekcije učenici mogu da pokažu svoju kreativnost, da se druže i da sklapaju nova prijateljstva. U sekciju su uključeni učenici nižih razreda pod rukovodstvom učiteljica Advije Murselović i Edine Hrvatović. Pri radu učenici koriste različite materijale koji upotpune našu izložbu povodom obilježavanja značajnih datuma u našoj školi.



Recitatorska sekcija

Svakoj izložbi, priredbi, obavezno svoj doprinos u radu pruže i članovi recitatorske sekcije, pod vodstvom učiteljice Feride Bušić. Ove školske godine sekcija broji 8 članova i održava se svakog četvrtka. Na ovoj sekciji, učenici obogaćuju svoj riječnik, iskazuju svoja razmišljanja i pišu recitacije na zadanu temu ili često temu po samostalnom izboru učenika. Na taj način pokazuju veliko interesovanje i ljubav prema samostalnom pisanju pjesama. Inspiraciju za pisanje pronalaze u različitim izvorima i prenose na papir sa velikom ljubavi prema pisanju. Članovi ove sekcije učestvuju sa svojim recitacijama i na priredbama koje se organiziraju u školi, ali i van nje.



Predstavljamo...

Horska sekcija



Horska sekcija OŠ "Poljice" školske 2022/23 god. broji 20 članova, uglavnom su to učenici od 5. do 9. razreda. Članovi hora se okupljaju svakog ponedjeljka. Na probama obrađujemo i interpretiramo pjesme o domovini, dječije pjesme, zabavne pjesme itd. Učenici horske sekcije svojim pjevanjem razvijaju samopouzdanje. Vrijedno rade i pokazuju veliki interes za pjevanjem, uvijek zainteresovani da prošire svoje mogućnosti u pjevanju i daju svoj maksimum.

Učestvuju na svim priredbama u školi i svojim nastupom daju veliki doprinos.

Koordinator ove sekcije je nastavnica Muzičke kulture Krilić Edina.



Dramska sekcija



Članovi dramske sekcije učestvuju na priredbi povodom obilježavanja Dana državnosti Bosne i Hercegovine.



Dramska sekcija nižih razreda počela je sa radom prošle školske god. 2021/22. Sekcija broji ukupno 14 članova (6 dječaka i 8 djevojčica). Neizostavni dio su svake priredbe. Učenici su kreativni, marljivo rade i pripremaju svoje nastupe. Najljepše od svega je prijateljstvo između članova sekcije, puno smijeha i zabave. Koordinator sekcije je učiteljica Edisa Čičkušić.



Biblioteka



Naša školska biblioteka raspolaže sa 11.511 knjiga, među kojima su lektire planirane godišnjim planom i programom, časopisi Naša škola, didaktički putokazi i druga stručna literatura. Na početku školske god.2022/23, učenici od 1 do 9 razreda, dobili su besplatne komplete udžbenika od Ministarstva obrazovanja i nauke TK.

Naša škola uspješno je realizirala projekat Federalnog ministarstva obrazovanja na temu: "Knjiga i djeca prijatelji za cijeli život". Time je biblioteka obogaćena sa 470 primjeraka kroz 30 novih lektirnih nasova...



ZAŠTO JE VAŽNO ČITATI ...

- Čitanjem povećavamo fond riječi te sposobnost usmenog i pismenog izražavanja vlastitih misli i ideja.
 - Knjiga je medij koji nam ne servira gotovu sliku - za vrijeme čitanja mozak radi, a to što radi, znači da uvijek bava svoje sposobnosti.
 - Tijekom čitanja, neizrečeno sadrži više informacija od izrečenog (čitanje između redova), pisci često prava značenja i prave poruke oblikuju u usporedbe, metafore i ostala stilska izražajna sredstva.
 - Čitanje nam uvjetuje punu koncentraciju (želimo li shvatiti redoslijed radnje, odnos među likovima te otkriti poruke između redova).
 - Omogućava nam putovanje kroz vrijeme i jedan je od načina kako možemo doživjeti različita mjesta i uživjeti se u život prošlih vremena ili naroda.
 - Čitajući proširujemo svoje znanje i punimo svoj mozak informacijama.
 - Pojedini likovi iz knjige mogu nam postati uzor u svakidašnjem životu.
 - Potiče razvoj duhovitosti kod mladog čitatelja.
 - Razvija znatiželju (čitajući zanimljivu knjige, ne možemo je ispustiti iz ruku jer nas zanima što će se sljedeće dogoditi).
 - Pomaže nam u razvoju empatije i razumijevanju drugih osoba.
 - Često čitatelju pruža nekakvo nadahnuće u stvarnom životu.
- Čitanjem razvijamo kritičko mišljenje i sposobnost zapažanja.



Naši učenici prošle godine, pročitani su 1 554 naslova, od toga, učenici razredne nastave su pročitani 735, dok su učenici predmetne nastave pročitani 819 naslova.

Naj čitalac




Učenici koji su najviše pročitani prošle godine i time osvojili epitet naj čitalac naše škole su:

Sultanić Ahmed i Malkić Sanjin (3a)

Vuković Amina (3b)

Alibašić Asja (4a)

Malkić Hana, Osmanović Asja (4b).





U razgovoru sa...



Novinarska sekcija u našoj školi postoji već duži niz godina. Svake godine tu su neki novi učenici, novi nastavnici ali sama ideja postojanja i značaj ove sekcije je nepromijenjen. Ove školske godine novinarsku sekciju predvode nastavnice Bosanskog jezika i književnosti Nermina Hodžić i Dženana Osmić sa učenicima Džana Kasumović 5b, Merima Omić 7a, Ajla Kamberović 7b, Merima Omić 7b, Ilma Kasumović 7b, Mahir Osmić 6b, Melina Murselović 6b, Emrah Ajanović 6b, Alen Kasumović 6b, Anel Frkić 6b, Vedad Fajić 6b, Elma Fajić 6a, Berisa Muminović 6a, Larisa Nuhić 6a . Kroz različite vijesti, intervjuje i reportaže članovi ove sekcije obavještavaju o različitim aktivnostima u našoj školi. Na sastancima vlada ugodna, radna atmosfera, a učenici se dogovaraju i nadopunjuju.

U ovom broju školskog lista Behar, naši novinari realizirali su dva intervjuja, jedan sa nastavnicom Havom Kasumović, a drugi sa direktoricom škole Almom Gutić. U nastavku možete pročitati šta su pri tome članovi sekcije zabilježili.



Alma Gutić
direktorica JU OŠ Poljice





U razgovoru sa direktoricom naše škole, Almom Gutić, a kojeg je realizovala novinarska sekcija u decembru 2022. godine ,teme su bile uglavnom usmjerene na trenutne projekte koji se realiziraju u našoj školi.

Na početku intervjuja, direktorica škole pohvalila je rad novinarske sekcije i zahvalila se na pruženoj prilici da kaže nešto o trenutnim aktivnostima u našoj školi.

“U proteklih nekoliko mjeseci, u našoj školi su se realizovali i trenutno realizuju vrlo značajni projekti. Jedan od njih je sasvim sigurno zamjena stolarije na objektu centralne škole.

Naime, zahvaljujući sredstvima koje je odobrila Vlada TK a u saradnji sa Ministarstvom obrazovanja i nauke TK u toku je zamjena dotrajale stolarije na zgradi centralne škole JU OŠ Poljice. Projekat je vrijedan 136 305 KM, a radove izvodi firma iz Zenice “Braća Karić d.o.o”. Sasvim sigurno je da će nakon ovoga prostorije biti mnogo toplije i ugodine za boravak. Također, treba izdvojiti i realizaciju izgradnje bine u holu škole, čime će priredbe i mnoge druge manifestacije i aktivnosti biti podignute na jedan viši nivo. Prije toga treba naglasiti da je škola kroz jedan drugi projekat u saradnji sa opštinom Lukavac nabavila nove zvučnike, mikrofone i miksetu. Dalje, u saradnji sa vijećem roditelja, nastavnika i učenika, škola je nabavila 4 LCD TV-a, za 4 kabineta čime će nastava sasvim sigurno biti kvalitetnija i za učenike zabavnija i zanimljivija. Također, razvojni tim naše škole uputio je dopise svim većim firmama na našoj opštini a u cilju dalje nabavke LCD TV-a, tačnije njih 9. Nabavljene su i trakaste zavjese za hol škole kao i za pojedine kabinete. Predstavnici UNICEF-a predali su našim učenicima vrijednu donaciju u vidu 6 laptopa. Ovakvim i sličnim donacijama pod pokroviteljstvom Ministarstva obrazovanja i nauke TK sigurno će se osavremeniti nastavni proces u našoj školi te učenike više zainteresirati za samu nastavu. U narednom periodu, škola će nastaviti sa realizacijom i mnogih drugih projekata, kako bi boravak u školi za naše učenike bio što ljepši.”





U razgovoru sa...



Novinarska sekcija je obavila intervju sa našom najstarijom radnicom, Havom Kasumović. Hava je nastavnica biologije i hemije.

Koliko dugo radite u ovoj školi?

U ovoj školi radim 35 godina.

Zašto ste željeli biti nastavnica?

Zbog velike ljubavi prema djeci i mogućnosti da prenesem svoje znanje na nekog drugog.

Kako održavate kontrolu u svojoj učionici?

Kontrolu u svojoj učionici održavam tako što mijenjam metode rada, ukoliko osjetim da je učenicima dosadno.

Kakvo iskustvo imate u školama?

Vremena su se promijenila. Rad sa učenicima je nekada bio lakši, sada je veoma teško baviti se ovim poslom. Mnogo je obaveza i papirologije koja se zahtijeva od nas nastavnika.

Da sam ušao u Vašu učionicu tokom izvanredne lekcije, šta bi vidjeo i čuo?

Ako bi ušli u moju učionicu primijetili bi da su pojedini učenici prešli granicu svog ponašanja.

Koje su Vaše greške kao nastavnice?

Moja greška je ta što sam popustljiva ali iskreno, to za mene i nije loša osobina, kada bi učenici imali više razumijevanja.

Kojem ste razredu razredna?

Trenutno od ove godine nisam razredna.

Ako većinu Vaših učenika padne na testu šta će te učiniti?

Ja svoj test prilagodim učenicima tako da nema slabih ocjena.

Koji Vam je najzanimljiviji dio posla u školi?

Najzanimljiviji dio posla je kreativni rad sa učenicima.



MOJE SEKCIJE

U našoj školi učenici od petog do devetog razreda su uključeni u ekološku sekciju. Ja Hava Kasumović kao nastavnica biologije i hemije sam zadužena za njenu realizaciju. Učenici aktivno učestvuju u svim oblicima rada. Cilj uključivanja učenika u ovu sekciju je razvijanje ekološke svijesti i ekoloških

navika. Učenici prate eko kalendar i obilježavaju važne ekološke datume. Kroz istraživački rad, ilustrativne i literalne radove prenose svoje ideje drugima. Prave izložbe, prezentacije, okrugle stolove ... Za vrijeme mog rada u školi učestvovali smo u projektu RECICLIRAJ-PROFITIRAJ u

okviru UDRUŽENJA ZA ZAŠTITU FLORE I FAUNE LUKAVAC. Naši učenici su skupljali PET ambalažu i papir sa ciljem reciklaže otpada. Na Dan planete Zemlje 22. aprila naša škola je dobila kante za pravilno odlaganje otpada. Posjetila sam sa učenicima ustanovu za odvikavanje od narkotika u Smolućoj.



Nastavnica Hava sa svojim učenicima



Ovo sigurno niste znali—ŠTA JE USTVARI TALENAT?

Riječ talenat je grčkog porijekla, i potiče od riječi *talanton*, što je u staroj grčkoj bila oznaka za novčanu jedinicu od 55 funti, odnosno 26 kg srebra. Predstavljao je najveću vrijednost kod helena (6000 denarius). Obzirom da je tada radna dnevnicica iznosila 1 denarius, *talanat* je vrijedio dvadeset godina rada običnog čovjeka, što dovoljno govori o vrijednosti ove novčane vrijednosti. Značajna vrijednost je prenesena i u značenje koju riječ talenat ima i u onom smislu u kome je danas koristimo. Biti talentovan znači posjedovati ogromno bogatstvo. Ako se poslužimo navedenim odnosom (*talanat* je jednak dvadesetogodišnjoj zaradi), onda shodno ovome, kako prosječan čovjek posjeduje određene vještine, intenzitet tih vještina, ili njihova brojčana vrijednost je kod talentovanog bar 20 puta jača, odnosno veća.

Najkraće rečeno, talenat je sposobnost koja osigurava visoko postignuće u određenim područjima (nauka, sport, umjetnost...)

Naša škola oduvijek je imala talentiranih učenika. U ovom broju odlučili smo da predstavimo samo neke od njih. Svi su sportisti, i to ne obični, pa krenimo...



Zovem se Melina Murgić. Rođena sam 19.07.2011 godine u Tuzli. Učenica sam 6 razreda Osnovne škole Poljice u Poljicu. Atletiku sam počela trenirati sa 8 godina u Atletskom klubu Sloboda Tehnograd Tuzla.




Moj najzapaženiji uspjeh je bio na federalnom takmičenju u Vogošći gdje sam osvoila tri medalje. Prvo mjesto u disciplini 600m djevojčice sa vremenom 2:09. Prvo mjesto u štafeti 4x100 i treće mjesto skok u dalj 3,85 m.



Jako bitan rezultat ostvarujem i u Zenici isto na federalnom prvenstvu gdje osvajam prvo mjesto u disciplini 600m djevojčice sa rezultatom 2:04 i tu postojem svoj lični rekord. Na općinskom prvenstvu osnovnih škola u atletici u disciplini 600 m djevojčice osvoila sam prvo mjesto. Treće mjesto sam osvoila na prvenstvu BIH u Čitluku disciplini skok u dalj.






Adnan Murselović

Učenik naše škole Adnan Murselović (VIIIb) na prvi pogled dječak kao i svi drugi, zavrđuje našu posebnu pažnju. Adnan nije običan dječak. On je šampion! I to šampion Bosne i Hercegovine u boks. Dvostruki.




Najnovija je njegova zlatna medalja osvojena na međunarodnom bokserskom turniru održanom 5. novembra 2022. godine u Mariboru u Sloveniji

Ljubav prema ovom sportu kod Adnana se javila još u trećem razredu i traje do danas. Trenira u Klubu borilačkih sportova „Banovići“, i u općini Banovići je tri puta bio proglašen za sportistu godine. A kako i ne bi bio? Do sada je dva puta bio prvak Federacije Bosne i Hercegovine i dva puta državni prvak. Ove godine je osvojio prvo mjesto na federalnom i državnom prvenstvu. Osim toga on učestvuje u ligi Federacije Bosne i Hercegovine u boks i na bokserskim revijama.




Osim navedenih uspjeha tu su i brojni trofeji sa raznih domaćih i međunarodnih turnira i takmičenja.

Ponosni smo što naša škola ima jednog ovakvog učenika, ovakvog šampiona!




Lejna Murgić



Lejna Murgić učenica je IV-a razreda OŠ „Poljice“ u Poljicu. Još od malih nogu pokazuje interes za karate, tako da već sa 5 godina postaje član karate kluba Sensei-Turija, gdje pod rukovodstvom trenera Mehmeda Halilovića, Alme i Elme Frkić ostvaruje odlične rezultate.

I pored velikog broja obaveza i treniranja tri puta sedmično, Lejna je i odlična učenica. Kako ona kaže, veliku podršku ima od svojih roditelja, i dobrim dijelom ,oni su zaslužni za njene uspjehe.



Učesnica je mnogih kantonalnih takmičenja, na kojim je uglavnom nagrađivana sa jednom ili dvije medalje.



NAGRADE



Lejna u svojim vitrinama već posjeduje 12 bronzanih, 9 srebrenih i 7 zlatnih medalja sa različitih takmičenja. Nada se da će ih u budućnosti biti još mnogo više.



Nukić Maid rođen je 17.5.2013. god u u Tuzli. Učenik je IV – a razreda OŠ „Poljice“ u Poljicu. Karat trenira još od svoje 5-te godine, u karate klubu „SENSEI“ Turija, pod vodstvom trenera Elme i Alme Frkić. Odličan je učenik, i primjer je svojim vršnjacima kako se trud i zalaganje uvijek isplati. Veliku podršku ima od svojih roditelja.



Citati poznatih o talentu, radu....

****Bez truda, talent je vatromet: na trenutak zaslijepi, a onda ništa ne ostaje**

****Veliki talent zahtijeva veliki trud.**

****Sam talent je bezbojan i dobiva boju tek primjenom,**

****Lako raditi ono što je drugima teško je talent; učiniti ono što je talentu nemoguće je genijalno.**

****Talent je razvoj prirodnih sklonosti**



Samo u 2022. godini, na svojim nastupima nagrađivan je sa 14 prvih mjesta. Dobitnik je još 4 medalje za ostvarena druga mjesta i 8 medalja za osvojeno treće mjesto. Trenutno posjeduje ljubičasti pojas, a posebno je važno istaći učešće na federalnom takmičenju u Mostaru i državnom takmičenju u



Maid, Adnan , Melina, Lejna... su ponos naše škole. Naši mali ambasadori i neko čiji se glas čuje daleko. Oni jesu, i trebaju da budu motiv i drugim učenicima, da se pronađu u nečemu što vole, i da kroz rad i trud pokažu svoj talenat...







Naši vrijedni učenici kroz različite vannastavne aktivnosti, sekcije, i sl. svakodnevno realiziraju određene aktivnosti, a kao rezultat imamo razne panoje, slike, ručne radove, pjesme, priče koje ukrašavaju hodnike i učionice naše škole. Ovdje smo izdvojili neke od njih...Pa pogledajmo !



DOMOVINA

Dijete svako treba da zna,
ona mu je druga mati
miris njen svud me prati.
Ona je prelijepa,
volim je najviše.
Ima puno ljepota
nosim je u srcu svom
Aao mene pitate, Bosna je
najljepša domovina


Lamija Imširović-2b





ŠKOLA

Škola će biti moj drugi dom,
u njoj ću provrsti dio života mog..
Biću vrijedan i marljiv đak,
Školo moja u srcu te nosim i tobom se
ponosim!
Moja škola ima najljepše lice a ona se zove
Osnovna škola Poljice

Sultanić Ahmed






Moja domovina—Agić Daris 3b

Moja domovina je najljepša zemlja na svijetu, ona je leptir na cvijetu.


Sa neba se sunce smiješi i leptirić uživa na cvijetu.

Cvijeće ga mirisom mami, ni sam ne zna da li da se na cvijetu hrani, ili da poleti prema suncu koji ga grije i veselo mu se smije.




ŠKOLSKI BISERI NAŠIH UČENIKA 2022/23.


- Kako se na engleskom kaže kraljica? Queen. A kralj? Queenman.
- Slušate li što ja pišem?
- Neka se javi ko je odsutan.
- Učiteljica: Ne znam se piše odvojeno!
- Učenica: N se piše odvojeno od E?
- Redar Nema nikog, svi su tu.
- Roj jelena.



-Učiteljica: „ Po čemu je poznata Sjeverna Amerika? „
 Učenici: „ Grad New York, Kip slobode...“
 Učiteljica: „ Dobro. A što se nalazi u Aziji?“
 Učenici: „Kineski zid, Japan, ...“
 Učiteljica: „A Afrika? Po čemu je ona poznata?“
 Učenici „Po afričkoj šljivi!



-Na času bosanskoj jezika, nastavnik pita: „Ko je još umro u djelu Smrt Omera i Merime?“
 Učenik: „Hasanaginica!“
 -Insekti na livadi su: mravi, gliste, bumbar, šišmiši...



- Nastavnice, može li se herbarij predati na CD-u?
- Šta su ponornice?- Ponornice su vode koje ponore!

